

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 2011755383 որոշումն անփոփոխ թողնելու, իսկ թիվ 2011754170 և 2011754117 որոշումները բեկանելու և վարչական վարույթը կարճելու մասին

<<29>> 12 2020թ. 7-13- 16210

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Դավիթ Մակարյանի ՄԴ/153564-20 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Դավիթ Մակարյանը (**ծանուցման հասցե՝** Արագածոտնի մարզ, գյուղ Վերին Սասնաշեն, 1-ին փողոց, 2-րդ նրբանցք, 7-րդ տուն) դիմումով խնդրել է չեղարկել Ճանապարհային ոստիկանության վարչական տույժ նշանակելու մասին թիվ 2011754170 և 2011754117 և 2011755383 որոշումները՝ նշելով, որ անհետաձգելի օգնություն ցուցաբերելու նպատակով շտապել է Արցախի Հանրապետություն:

Դիմումի քննարկման արդյունքում պարզվել է, որ դիմումատուի խնդրանքը ենթակա է մասնակի բավարարման հետևյալ պատճառաբանությամբ.

Ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 37-րդ հոդվածի պահանջներով, քննության են առնվել իրավախախտման բոլոր, այդ թվում՝ դիմումատուի օգտին առկա փաստական հանգամանքները:

<<Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հադվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները:

Դիմումին կից ներկայացված Սյունիքի մարզի Գորիս համայնքի ղեկավարի տեղակալի կողմից 22.12.2020թ. N366 տեղեկանքի համաձայն՝ Դավիթ Մակարյանը (ծնված՝ 15.08.1997թ., անձնագիր՝ AP0387474) սույն թվականի սեպտեմբերի 29-ին <<DODGE>> մակնիշի 36SV623 հաշվառման համարանիշի տրանսպորտային միջոցով Երևան քաղաքից Սյունիքի մարզի Գորիս համայնք է տեղափոխել հումանիտար օգնություն՝ Արցախի Հանրապետությունից տեղափոխված բնակիչների համար:

<<Վարչական իրավախախտումների վերաբերյալ>> ՀՀ օրենսգրքի 17-րդ հոդվածի համաձայն՝ վարչական պատասխանատվության ենթակա չէ այն անձը, որը թեև սույն օրենսգրքով կամ վարչական իրավախախտումների համար վարչական պատասխանատվություն սահմանող այլ նորմատիվ ակտերով նախատեսված գործողություն է կատարել, սակայն գործել է ծայրահեղ անհրաժեշտության վիճակում,

այսինքն՝ մի այնպիսի վտանգ վերացնելու համար, որը սպառնացել է պետական կամ հասարակական կարգին, սոցիալիստական սեփականությանը, քաղաքացիների իրավունքներին ու ազատություններին, կառավարման սահմանված կարգին, եթե այդ վտանգը տվյալ հանգամանքներում չէր կարելի վերացնել այլ միջոցներով և եթե հասցված վնասը կանխված վնասի համեմատությամբ ավելի նվազ կարևորություն ունի:

Վարչական վարույթի ընթացքում հիմնավորվել է միայն վարչական տույժ նշանակելու մասին թիվ 2011754170 և 2011754117 որոշումներով ամրագրված իրավախախտումները ծայրահեղ անհրաժեշտության վիճակում կատարած լինելու հանգամանքը: Ինչ վերաբերվում է վարչական տույժ նշանակելու մասին թիվ 2011755383 որոշմանը, ապա այն չի գնահատվել ծայրահեղ անհրաժեշտության վիճակում կատարված, քանի որ իրավախախտումը կատարվել է 30.09.2020թ-ին:

Ելնելով վերոգրյալից, ղեկավարվելով Վարչական իրավախախտումների վերաբերյալ 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 2011755383 որոշումը թողնել անփոփոխ, իսկ վարչական բողոքը՝ դրան վերաբերվող մասով, առանց բավարարման:
2. Ճանապարհային ոստիկանության վարչական տույժ նշանակելու մասին թիվ 2011754170 և 2011754117 որոշումները բեկանել և վարչական իրավախախտման վերաբերյալ գործի վարույթը կարճել:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Դավիթ Մակարյանին:



Կատարող Կ.Ահարոնյան
Հեռ. 011544783